

BEELD
15 Jun 2011, p.6



'n Hawelose vrou in Hillbrow sit op die kombes wat aan haar oorhandig is en huil van blydschap.

Foto: LERATO MADUNA

Trane vloei van blydschap oor kombes

Pauli van Wyk

Danksy mense en maatskappye se oop harte het 900 haweloses en sowat 1 000 kinders nuwe moed vir die winterkoue.

Volgens me. Juanita van der Merwe, woordvoerder van Metro Evangeliese Sorg (MES), het die ingenieurs- en wetenskapmaatskappy GIBB 400 kombes aan haweloses in Hillbrow geskenk. Landwyd borg dié

maatskappy 1 600 kombes.

“Ons het 100 van dié kombes vandag (gister) in die strate van Hillbrow uitgedeel,” het Van der Merwe gesê.

'n Hawelose vrou het in trane uitgebars toe sy haar kombes

ontvang. Ander haweloses het die kombes dadelik om hulle gehad.

“Die grootste skenking het van DRD Gold gekom wat 500 kombes, 300 kindersweetpake en 726 kinderbaadjies geborg

het. Verskeie kerke samel ook kombes en klere in. Die veldtog het die afgelope 15 dae goed op dreef gekom en ons hoop om so voort te gaan.”

Die Winterhoop-veldtog het op 1 Junie begin.